

Supervizor za Brčko Scanlan i francuska ambasadorica Toudic posjetili Brčko



Supervizor za Brčko Michael Scanlan i ambasadorica Francuske u BiH, Nj.E. Christine Toudic, posjetili su Brčko u srijedu i četvrtak.

U srijedu su se sastali sa liderima Vlade i Skupštine Distrikta, koji su ih informirali o planovima organa vlasti da do kraja marta provedu reforme koje će pokrenuti Brčko naprijed u oblastima dobrog upravljanja, odgovornog i transparentnog trošenja budžetskih sredstava, te rasta privatnog sektora. Također su se sastali sa glavnim tužiocem Distrikta te razgovarali o značaju procesuiranja korupcije, pri čemu niko ne smije biti iznad zakona.

U četvrtak su Scanlan i Toudic posjetili Luku Brčko i sastali se sa upravom Luke, te su informirani o narednim koracima kako bi na proljeće mogli započeti radovi na modernizaciji Luke.

Pored zajedničkih sastanaka, supervizor se također sastao sa šefovima klubova poslanika Bh. bloka i SDS-a u Skupštini Brčko Distrikta, kao i nezavisnim poslanikom Đorđem Popovićem, te nezavisnom poslanicom i predstavnicom romske manjine Mejrom Šečić. Scanlan je ponovio svoju poruku da vlasti Brčkog moraju ubrzano raditi u prvom kvartalu 2021. godine na reformama koje će potvrditi njihovu iskazanu opredijeljenost za dobru upravu u Distriktu.